

4.
L. 17. 9.
1659, 17
19
Quod Deus bene veritas!
DISCURSUS LEGALIS
De

RETROTRA- CTIONE,

P 517.
Ogem.
DIVINA FAVENTE GRATIA,
Decreto & Autoritate

Magnifici, Nobilissimi, & Amplissimi Jctorum
Ordinis in Illustri Salanâ,

PRÆSIDE

Viro Nobilissimo, Amplissimo, Consultissimo atq, Excellentissimo

DN. ERNESTO FRIDERICO
SCHRÖTERO, Jcto ac Professore Publico Celeber-
rimo, Consiliario Saxonico, Curia Provincialis & Scabinatus
Adeffore Gravissimo,

Domino Præceptore, Promotore ac Patrono suo plurimum
observando,

Pro Summis in Utroque Jure Honoribus ac Privilegiis
Doctoralibus ritè ac legitimè obtinendis

Publicæ ventilationi submittit

JOHANNES CHRISTOPHORUS *Salschner*
Laufâ-Noricus,

In Auditorio Jctorum

Horis ante- & pomeridianis

d. i. Junii, Anno M DC LIX.

JENÆ
Typis JOHANNIS NISII.



UNIVERSITÄT SACHSEN-ANHALT
LEIPZIG

RETRORATIONE

ORDINIS IN HONORE SACR. THEOLOG. FACULT. S. MARTINI
D. N. ERNSTO FRIDERICO
SCHNITZER, JOHANNIS PUBLICO CELEBR.
TIMO, CONDITORE SACR. THEOLOG. FACULT. S. MARTINI
D. N. ERNSTO FRIDERICO
SCHNITZER, JOHANNIS PUBLICO CELEBR.
TIMO, CONDITORE SACR. THEOLOG. FACULT. S. MARTINI

PRO SUMMIS IN HONORE SACR. THEOLOG. FACULT. S. MARTINI
D. N. ERNSTO FRIDERICO
SCHNITZER, JOHANNIS PUBLICO CELEBR.
TIMO, CONDITORE SACR. THEOLOG. FACULT. S. MARTINI
D. N. ERNSTO FRIDERICO
SCHNITZER, JOHANNIS PUBLICO CELEBR.
TIMO, CONDITORE SACR. THEOLOG. FACULT. S. MARTINI

JOHANNES CHRISTOPHORUS SCHNITZER

LEIPZIG
1744

1744



Candido Lectori

salutem.

Non Tibi bellaria & quæ Tibi salivam movere possent appono Lector candide, sed modico sale conditum de RETROTRACTIONE discursum, in quo si minus limatè quædam prodierint, eò facilius à Te veniam me impetraturū confido, si instantem rationem publicam, quæ cuius nostratum adeoq; & tibi ignota esse non poterit, consideras; Ut verò censores, ut Elegantissimus ait Lipsius in vestibulo Electorum, olim lustrum à bono nomine: sic ego divino hunc ordior discursum.

I. N. D. N. J. C.

Th. I.

Cum verò monente Zabarellâ *lib. 2. de method. c. 6. li. c. iis*, qui disciplinam seu facultatem aliquam tractaturi sunt, sit utendum ordine sive methodo, quare ne *diversos* progredi videar, 1. Etymologiam, 2. Definitionem, 3. Causam, 4. Formam, 5. Materiam circa quam sive Objectum, & hinc divisionem. 6.

A 2

De-

Denique finem & effectum Retrotractionis in scenam producant.

Etymologia.

Th. II. Retrotractionis vocula Parentes existunt dictio Adverbialis Retrò, quæ alibi idem denotat, quod rursus vel ex diverso, ut in *l. 4. de oper. serv. l. 67. ff. de solution. l. 40. §. 4. ff. de acquir. vel amitt. possess.* hic verò pro Ante §. 2. *Inst. de donation.* seu tempore præterito usurpatur *l. 16. §. 1. ff. de pignor. & hypoth. l. 16. ff. de captiv. postl. l. 44. §. 1. de Legar. r. l. 37. ff. de LL.* Et verbo Traho seu Tracto, Ut enim habere & habitare Plauto, Ciceroni, aliisque, teste Philippo Caroli in suis propediem lucem visuris ad Agell. animadversionibus *l. 2. c. 20.* pro iisdem usurpantur: ira etiam trahere & tractare, Quia tamen vocula ista usui differentiam quandam recipiunt, & tractare Ciceroni in *Verr. r.* idem est, quod administrare, Legii *9. ff. ad L. Jul. de adulter.* idem quod deliberare, nos nomina suis rebus consequentia esse studentes §. 3. *Inst. de donation.* rectius Retrotractionem dicimus, reducit enim hæc actum nunc gestum ad tempus antecedens seu præteritum *ad. text.* Sive autem Retrotractionem sive Retrotractionem dicere malueris, in hoc opes Latii non vertentur.

Definitio.

Th. III. Post Etymologiam primum sibi locum vindicat Definitio: Est autem Retrotractio (quam aliàs fictionem ab effectu & operatione translativam vocant) juris civilis dispositio transferens tempus actus jam gestii ad tempus antecedens, suadente æquitate vel necessitate introducta; Dispositio illa appellatur aliàs fictio, omnis enim Retrotractio in fictione consistit, sed quæ tamen propterea inter mera rationis entia referri non potest, cum hæc ea demum sint, ut habet Stahl. *compend. Metaphys.*

phys.

phyſ. part. comm. cap. 1. & 2. quæ habent ſolum eſſe ob-
jectivè in intellectu, id eſt præter hoc quod cognoscuntur
nullum eſſe habent, At Retrotractio etiam extra intelle-
ctum noſtrum ſuam eſſentiam habet, nec nudum hu-
jus figmentum eſt, cum à jure ſubſtantietur & induca-
tur.

Th. IV. Poſitâ definitione quaſi ſub manu naſcitur ^{Cauſa ea-}
cauſa, eaquetam Efficiens, quam Impulſiva: Cauſa effi- ^{que vel}
ciens eſt lex; hujus enim eſt fingere, non hominis l. 2. ff. ^{Efficiens.}
de caſtr. pecal. l. 6. pr. ff. ad municipal. Nec juris Naturalis,
hoc enim fictionem, quia civile commentum eſt l. 76. de
condit. & demonſtrat. & mera ſubtilitas, ut ſubtiliſſimus
ait Scaliger Exerc. 1. ſect. 1. non agnoſcit l. 23. pr. verb. ne
imagine &c. ff. de lib. & poſthum. Nec Juris gentium, quip-
pe quod naturalis ratio conſtituit §. 1. Inſt. de J. N. G. &
C. non obſtante Leger. p. 1. ff. de captiv. poſt. ubi poſtli-
minium, quod nobiliſſima fictionis ſpecies eſt, non mo-
dò Legibus, ſed moribus (per mores autem jus gentium
innui videtur) introductum dicitur, Verùm ibi de fictio-
ne poſtliminii non agi videtur, ſiquidem hoc ibi ſaltem
dicitur, poſtliminio redeunti ut res reſtituatur ex jure
gentium eſſe, at verò in hoc nullâ fictione opus eſt, ſed in
eo fictio poſtliminii verſatur, quod intermedium tem-
pus, quod inter captivitatem & reditum interceſſit, nul-
lum videatur, ſed qui rediit ſemper in civitate fuiſſe ſin-
gatur l. 16. ff. eod. Hujus igitur fictionis fundamentum
eſt quidem ex jure gentium, forma autem à Jure civili;
Et poſito (non verò conſeſſo) fictionem illam poſtlimi-
nii à jure gentium eſſe, ratione tamen effectus, quem in
civitatem redeunti jus civile tribuit, rectè juris civilis di-
citur arg. §. 2. Inſt. de patr. poteſt. ubi patria poteſtas civi-

um Romanorum dicitur propterea, quod in Republ.
Romanâ novis qualitatibus & effectibus specialibus au-
cta & informata fuerit. Obst. Quod acceptilatio sit ficta
sive imaginaria solutio §. 1. *Inst. quib. mod. obl. toll.* Et
tamen creditor, dum debitori per mutuam interrogatio-
nem debitum remittit, hoc modo debiti solutionem fin-
git; Ergo & homini fingere licet contra *l. 8. ff. de castr.
pecul.* Resp. Distinguendo inter actum sive exercitium
acceptilationis & ipsam acceptilationem: Illud in cujus-
vis privati arbitrio est, Hæc non item; habet enim ac-
ceptilatio suam formam & originem ex jure civili *l. 107.
in fin. ff. de solution.* & exinde inter actus legitimos refer-
tur *l. 77. ff. de R. J.* perque stipulationem, quæ itidem ju-
ris civilis est, perficitur *d. §. 1. Magnificus Dn. Beer, f. Citus,
Consiliarius Aulicus Saxo-Alteburgicus & Protosuedrii ibi-
dem Praeses, quem ob innumera in me collata beneficia re-
ctius Patrem, quàm Avunculum dixero, in suo Jura fictissii
gustu ch. 7.*

vel Im-
pulsiva.

Th. V. Causa Impulsiva est vel æquitas, vel neces-
sitas *Bare. ad l. 15. ff. de usucap. Hællig. ad Don. lib. 7. comm.
c. 1. l. p.* harum enim magna habetur in jure ratio *c. muta-
tiones 34 c. 7. q. 1.* adeoque deficiente veritate necesse fuit
tunc commentum introduci, suadente ita æquitate & hy-
pothesi humanæ indigentia: Ita æquum visum est legi-
bus Romanis, ut captus ab hostibus, licet per captivita-
tem servus hostium factus, in Republ. Romanâ pro tali
non haberetur, sed si rediret, retrò semper in civitate fu-
isse crederetur, vel si ibi moreretur, retrò ex eo statim
momento, quo captus, mortuus censeretur, duplici fi-
ctione introductâ *l. 5. §. 1. l. 12. §. 1. l. 16. ff. de captiv. l. 10. C.
de postlim. revert. §. ult. Inst. quib. non est permisso, fac. testam.*

Th.

Th. VI. Forma Retrotractionis perinde ut alterius *Forma.*
enjusvis Juris fictionis in his consistit 1. Ut quod revera
ac evidenter non est, pro vero assumatur. 2. Ratione ter-
mini, qui duplex vulgò constituitur, terminus nimirum
à quo, & terminus ad quem, hoc requiritur, ut uterque,
si locum Retrotractio habere debet, sit habilis *l. 24. pr.*
rem rat. hab. ubi ratihabitio post effluxum tempus, à ju-
re petendæ bonorum possessioni præscriptum, non retro-
trahitur, cum terminus à quo jam sit inhabilis *d. l. 24. l.*
ult. pr. verb. generaliter omnis ratihabitio C. ad SCtum Ma-
cedon. adeoque nec ratihabitio per fictionem retrotracti
possit *d. l. ult. cap. Ratihabitioem. de R. J. in 6.* Hæc de
termino à quo; Idem verò etiam in termino ad quem re-
quiritur *l. 4. §. ult. ff. de offic. proconsul.* ubi delegatio Ju-
risdictionis facta Legato per proconsulem, provinciam
nondum ingressum, nihil valere dicitur, eo, quòd pro-
consul ante provinciæ ingressum nullam Jurisdictionem
habeat. Ideoque nec Legati Jurisdictione retrotrahi
potest, sed eam demum à tempore ingressus habere in-
cipit. 3. Requiritur, ut subjectum, de quo Retrotractio-
nis fictio fieri debet, sit habile, de inhabilibus enim, &
iis, quæ in rerum naturâ non sunt nec sperantur, item de
impossibilibus nulla induci potest fictio *Alciar. ad L. 15.*
de usucap. hæc enim & ars naturam imitantur *§. 4. Inst. de*
adoption. Magnif. Dn. D. Richter hodiè Decanus, Dominus
Præceptor ac Patronus meus æternùm honorandus tract. de
Reg. Jur. reg. 8. n. 2.

Th. VII. Retrotractionis materiam sive objectum *Materia.*
triplex quidam statuunt, Testamenta, Conventiones sive
Contractus, & Legem, indeque Retrotractionem in Te-
stamentariam, Conventionalem & Legalem dividunt,
Hæc

Hac divisione missâ Retrotractionem in genere circa tria Juris objecta versari statuo: circa Personas, Res, & Actiones; Hinc tanquam ex fonte facilè divisio fluit.

Sunt 1.
Persona.

Th. VIII. Primum Juris objectum sunt Personæ §. ult. *Inst. de J. N. G. & C.* quarum relativa divisio est, quod quædam sint in potestate dominorum, quædam in potestate parentum *pr. Inst. de his qui sui vel alien. jur.* quædam verò neutro jure teneantur, sed vel in tutelâ vel curatione sint, *pr. Inst. de tutel.* Patriæ potestatis tres vulgò constitui solent causæ *pr. Inst. de patr. potest. §. ult. Inst. de Nupt. 1. 2. Inst. de adoption.* quarum non postrema est Legitimatio d. §. ult. Hæc iplo jure ad tempus natiuitatis retrotrahitur, & ex eo momento, ex quo liberi è concubinato prognati sunt, pro legitimis habentur. Dico è concubinato; Nam si ex complexu nefario aut incestuoso vel damnato coitu suscepti fuerint liberi, legitimari nullo planè modo possunt; procedit enim legitimatio, ut ait Nobiliss. Dn. Joh. Strauch. *J. C. & Professor nostra Salana celeberrimus, Patronus & Præceptor meus de venerandus in differ. ad ff. 4. th. 3.* ex juris fictione, at fingi nuptiæ nequeunt, nisi inter personas, inter quas matrimonium esse potest, cum ad omnem fictionem, ut constat ex th. 6. possibiliras requiratur, nec fingatur, quod jure & facto impossibile Bari. in L. si is qui 56. ff. de usucap. & ibi Jason. n. 187. aliique. Legitimitas autem, præprimis iis, qui per subsequens matrimonium tales facti, eadem jura competunt, quæ verè legitimis l. 5. l. 6. l. 10. C. de nat. lib. Bachov. in not. ad Wesenb. tit. d. R. N. n. 3. ratione scil. bonorum allodialium; Nam in feudis nulli omninò Legitimitati succedere possunt 2. Feud. 26. §. Naturales &c. cum legitimatio non retrotrahatur in præjudiciam

cium agnatorum, qui jus jam quæsitum habent, quibus
id sine eorum culpâ auferri non potest. *videatur Nobilissimus*
ac Præceptor meus honorandus, Exerc. ad ff. tit. de his qui
sui vel al. jur. tit. 51. & 55. & Exerc. feud. 9. tit. 3. n. 4. Quæ-
ritur 1. An jus Primogenituræ etiam Legitimitatis com-
petat? 2. Si statuto dispositum fuerit, ut primogenitus
Patri in Regno succedat, eveniat autem, ut princeps ex-
stante jam filio legitimè nato mortuâ illâ conjuge super-
inducendo priorem concubinam legitimet cum, qui
prior ut naturalis edebatur? De priori quæstione vi-
deatur Tiraquellus de jure primogen. quæst. 34. De po-
steriori verò Anton. de Rosell. tit. de Legit. C. de caus.
fin. n. 32.

Th. IX. Locum porrò habet Retrotractio ratio-
ne Tutelæ §. 16. *Inst. de Excus. Tut.* ubi tutor sciens se tu-
torem esse datum exculationem suam intra quinquag-
inta dies, ex quo delatam sibi esse tutelam agnovit, non
opposuit. Item *in §. ult. eod.* ubi falsis allegationibus
tutelæ exculationem meruit; Utroque casu tenetur ab
eo tempore, quo se datum esse cognovit; Et quidem po-
steriori casu omne periculum, quod intra pendentis ju-
dicii & omisæ administrationis tempus obtigit, tutor si
falsis allegationibus suis succubuerit *L. 15. C. de excusat.*
tut. ad tutorem pertinet, retrotractâ judicialiter delatâ
tutelæ administratione ad tempus, ex quo quis se tuto-
rem vel curatorem datum esse cognoverit *d. §. 16.*

Th. X. Progredior ad secundum Juris objectum, 2. *Res.*
Res nimirum, quarum divisionem omnesque acquiren-
di modos huc transcribere nolo, ne quis pone velum
Apelles ad meam me revocet crepidam. Hoc solum
dice-

B

Acere mihi liceat, quod in rerum dominiis acquirendis
& contractibus plurimum Retrotractio operetur, id
quod jam uno vel altero exemplo subjecto munie-
mus.

Th. XI. De fundo dotali notum est, quod propter
annexam qualitatem usucapi non possit *arg. l. 4. l. 16. ff.
de fund. dot.* si tamen jam inchoata fuerit præscriptio, an-
tequam fundus dotalis factus, præscriptio procedat *d. l. 16.*
retrotracto hujus fundi jure seu conditione ad tempus,
quo qualitas illa fundo non erat inducta.

Th. XII. Usucapioni subjungo donationem, pro-
pterea, quod utraque sit modus acquirendi civilis & qui-
dem singularis *§. ult. Inst. de usu & habitat.* Factâ fundi
donatione ipso jure fructuum fundi donatio ad tempus
ipsius fundi donati retrotrahitur, etiam quando maritus
uxori fundum donavit; Etsi enim regulariter donatio-
nes inter virum & uxorem sint prohibita *l. 2. l. 3. ff. de
don. int. vir. & uxor.* ista tamen prohibitio non pertinet
ad eas donationes, quæ in tempus soluti conjugii refe-
runtur *l. 9. in fin. l. 10. l. 11. pr. l. 60. §. 1. l. 43. ff. eod.* quia
res donata interim manet donatoris, usque dum casus
ille, quo vir & uxor esse desinunt, existat *d. l. 10. & 11.* Id-
eoque si maritus uxori constante matrimonio fundum
donavit, ipse quidem fundus remanet penes maritum,
sed vi translatus in donatarium dominii, qui effectus do-
nationis est *l. 35. ff. de donation.* fructus fundi donati ad
uxorem ex eo statim die, quo donatio facta, pertinet *l. 35.
C. de don. int. vir. & ux.* Obst. 1. Quod Retrotractio non
habeat locum nisi terminus ad quem sit habilis *thes. 6.*
Atqui in proposito casu habilis non est, quia est tempus
factæ donationis, quo adhuc constabat matrimonium,
Ea.

Facta autem constantis adhuc matrimonii tempore donatio ipso jure erat nulla, Ergo. Resp. 1. Terminum ad quem hic non esse omnino inhabilem, quia hujusmodi donationes in tempus soluti conjugii referuntur. 2. Resp. Donationem inter virum & uxorem matrimonio constante factam jure naturali inspecto, (quod promissis standum esse dicitur,) valere, licet non valeat quoad jus civile. Obst. 2. l. 1. §. 1. pro don. h. arg. Si donatio Patris & mariti morte hujus confirmatur, & ad tempus, quo facta est, retrahitur, ita ut filius & uxor ex eo statim tempore, quo donatio facta, rei donatae dominium consequi videantur l. 25. verb. confirmatio ad illud tempo & c. C. de don. int. vir. & ux. Ergo etiam in casu legis 1. ex eo statim tempore, quo donatio rei alienae facta, facultatem usucapiendi rem istam habebit, quam tamen ibidem d. lex 1. filio & sic etiam uxori denegat; Si igitur non ex eo statim tempore usucapiendi facultatem habent, sequitur quod nec dominium ex eo tempore translatum fingatur. Resp. Donationem Patris vel mariti morte donantis confirmari & retrahi, ubi Pater vel maritus rem propriam donavit, ut in l. 25. Secus si rem alienam d. l. 1. In hujus enim donatione quia de alterius, domini nimirum, praesudicio agitur, reclamatur iniquitas fictionis contraria th. 5. & retractio cessat. Reliqua quae sententiae nostrae dubium movere possent, in unum quasi fasciculum collegit Nobilissimus Dn. Praeses, Praeceptor ac Patronus meus observandus in Colleg. priv. Cod. ad d. l. 25. C. de don. int. vir. & uxor. quod benevolunt Lectorem, ne alienum peculium vendere videatur, remitto.

Th. XIII. Quod in thes. 10. dictum, Retractio-
nem plurimum operari in dominiis rerum acquirendis,

illud etiam intelligi potest de rerum dominiis retinendis: Sic, ut res nostra usucapi non possit, sufficit possessorem esse in malâ fide *pr. c. §. 3. Inst. de usucap. &* quid è in tantum mala fides Antecessoris nocet Successori, ut hic quamvis in bonâ fide constitutus rem nostram usucapere non possit *§. 9. vers. Quodsi ille Inst. eod.* retrotractâ hujus fide ad fidem illius, cum & aliàs Successor sit ejusdem cum Antecessore conditionis.

Th. XIV. Postquam *th. 12.* actum fuit de donatione, agendum nunc esset de Legatis, quia & hæc nihil aliud sunt, quàm donationes à defuncto relictae *§. 1. Instit. de legat. iisdemque* perindè ut donatione singulae res nobis acquirantur, sed de iis, ut ait Imperator noster in *§. ale. Inst. per quas pers. cuique acquir.* opportunius inferiore loco dicitur, si prius viderimus, quomodo in modo per universitatem acquirendi Retrotractio locum habeat.

Th. XV. Per universitatem acquiritur hereditas, quæ si posthumo alieno, vel alii cuivis testamento fuerit relicta, & posthumus ille (eò quod adhuc in utero extiterit, vel alter ille heres fortè quod secum de adeundâ hereditate deliberaverit *l. ult. C. de jur. delib.*) defuncto statim non successerit, tamen, si postea heres extiterit, statim à mortis tempore defuncto successisse fingitur *l. 54. ff. de acquir. hered. retrotractâ* successione ad tempus testatoris decedentis; Nec enim intermedio tempore, quod inter obitum testatoris & successionem heredis intercessit, dominium expiravit, sed continuatum est *d. l. 54. l. 193. ff. de R. J.* adeò ut etiam tempus coepta à defuncto usucapionis, quod hereditate jacente currit, proficiat heredi, non aliter, ac si statim post mortem eam adiisset *l. 31.*

l. 37. §. 5. ff. de usucap. Bronchorst. ad l. 193. ff. de R. J. Ne-
tante autem dico, quod fingatur successisse, non verò
adiisse; ipsa enim aditio non fingitur, sed ad hanc factum
aliquod hominis requiritur, nimirum ut vel volunta-
tem suam per verba, aut alia signa exterioris exprimat,
quod in specie hereditatis aditio vocatur; Vel ut volun-
tas illa ipsâ re seu facto & administratione quadam re-
rum hereditariarum ostendatur, & vocatur pro herede
gestio *§. 6. Instit. de hered. qual. & diff. Nobiliss. Dn. Doct.*
Struv. Exercitaz. ff. edit. prior. 27 thes. 12. Ut verò he-
reditatis aditio vel verbis vel factis declaratur: Ita è na-
turâ contrariorum (quorum juxta Everhardum *in loc.*
arg. leg. loc. 82. n. 30. tacitus & subauditus intellectus est)
iisdem hereditatem nobis delatam repudiamus, dum
eam, quam acquirere possemus, acquirere nolumus *l. 60.*
verb. nam filius emancipatus &c. ff. de acquir. hered. quod
nolle itidem verbis aliove indicio mentis *l. 95. ff. eod.*
vel re ipsâ & facto *d. l. 95. l. 17. §. 1. l. 77. eod.* declaratur;
In eo verò differunt, quod aditio nunquam, (ut ex praece-
dentibus liquet) repudiatio verò semper ad momen-
tum seu horam mortis retrotrahatur. *arg. l. 15. verb. ini-*
tial. ff. de reb. dub.

Th. XVI. Item rei legatae dominium, quamvis he-
reditas nondum adita sit, statim à morte testatoris fictio-
ne Juris in Legatarium transit *l. 64. in fin. ff. de furt. Wes-*
senbec. in w. ff. iii. de legat. 1. l. 82. de legat. 11. modò res
purè legata & agnita fuerit. *Bart. in l. 15. ff. de usucap. n.*
45. quo facto, hoc rei legatae dominium, herede non pro-
tinus hereditatem ad eunte, statim ab ipsâ testatoris mor-
te in Legatarium translatum retrofingitur, ut exindè Le-
gatario Rei vindicatio, quæ non nisi domino competit

l. 23. pr. ff. de R. V. detur; Dominus enim est Legatarius, ei que ipso puncto mortis incipit deberi legatum, ipsoque jure dominium acquiritur *l. 86. de legat. 11. l. ult. C. de donation. qua sub mod.* licet exercitium hujus seu possessio ab additione & agnitione heredis demum pendeat *l. 7. §. 5. ff. de dol. mal. l. 86. §. 2. de legat. 1.* Sin verò Legatarius Legatum repudiaverit, res repudiata statim à morte testatoris retrò heredis fuisse videtur. *l. 80. de legat. 11. l. 44. §. 1. de legat. 1. l. 65. §. 1. eod.*

Th. XVII. Quod hætenus dictum de Testamentariis dispositionibus & Legatis, locum nimirum in iis habere fictionem Retrotractionis, illud ad fideicommissa extendendum non esse existimo; Quamvis enim hæc proximè ad Legatorum naturam accedant, & propterea legata & fideicommissa inter se exæquata in *§. 3. Inst. de Legat. & l. 2. C. commun. de Legat.* dicantur, ista tamè comparatio valet saltem secundum quid: 1. Quod utrumque ab herede relinquatur. 2. Ut fideicommissum non tantum testamento *§. 2. Inst. de fideicommiss. hered.* sed etiam ab intestato *§. 10. eod.* relinqui potest: Ita Legatum ab omnibus, ad quoscunque aliquid morte testatoris sive ex testamento, sive ab intestato perventurum est, relinqui potest *l. 92. §. ult. de legat. 1.* In aliis autem differunt. Ratio autem, cur idem, quod de dominio Legatarii dictum, ad dominium fideicommissarii extendendum non sit, hæc primaria esse videtur, quod Legatarius legato nondum ipsi restituto suas habeat actiones *th. 16.* At in heredem fideicommissarium non nisi restitutà ipsi hereditate actiones hereditariae translatae censeantur *§. 4. Inst. de fideicommiss. hered.*

Th. XVIII. Si verbis obscurioribus alicui testator ali-

aliquid testamento reliquit, cujus aliquot casus ponuntur in l. 21. §. 1. ff. qui testam. fac. post. mentem suam postmodum declarare potest, quæ declaratio ad tempus conditi testamenti retrahitur, hac enim, ut loquitur alleg. l. 21. §. 1. nihil nunc dat, sed datum significat.

Th. XIX. Locum porro obtinet in contractibus Retrotractio, sic e. g. in stipulatione conditionali, quippe quæ demum extante seu purificatâ conditione effectum sortitur, conditio retrahitur ad tempus, quo adjecta, & si conditio extiterit, contractus stipulationis perinde habetur, ac si purè & sine illâ initus fuisset l. 11. §. 1. in fin. ff. qui pot. in pign. hab. eoque magis conditio hujusmodi interposita ad tempus initi contractus retrahitur, quod inter hoc & existentis conditionis tempus aliquod adsit (ut habet famigeratissimus ille JCtus Dn. Carpzov. p. 3. c. 9. d. 18. n. 3. Bachov. ad Treutl. vol. 2. Disp. 27. th. 6. l. c. Cædd. de stipul. c. 9. n. 175.) quod negotium quodammodo vivificat & sustentat, dum alter contractuentium altero invito poenitere nequit, & is, cui sub conditione debetur, etiam pendente conditione quodammodo creditor est l. 42. pr. ff. de O. & A. junct. l. 54. de V. S. tantumque, quanti spes obligationis venire potest, bonis stipulatoris adnumeratur l. 73. §. 1. ff. ad L. Fabrid. Peetr. Costal. ad l. 11. qui pot. in pign. hab. Hillig. ad Donnell. 15. Comm. c. 21. l. a. in fin. Unde apparet, quod, si filius sub conditione stipulatus fuerit, quæ conditio ramentem filio fortè emancipato demum extiterit, Patri actio ex stipulatu detur l. 78. pr. ff. de V. Obl. retrotractâ stipulatione ad tempus initi contractus l. 144. §. ult. l. 18. in fin. ff. de R. J. Idem autem quod de emancipato filio, etiam de servo manumisso dicendum arg. pr. Inst. quod cum eo qui

qui in alien. potest. junct. pr. Inst. per quas pers. cuiq. acquirit.
Addatur Bronchorst. ad d. L. 18. ff. de R. J. Quod verò su-
pra dictum, conditionem existentem retrahere ad tem-
pus initi contractus, solum de casuali, non verò de po-
testativâ intelligi debet; Cùm hæc eo ipso, quod per al-
terum ster ejus impletio, statim impleta fingatur l. 39.
l. 161. ff. de R. J. l. 78. pr. ff. de cond. & demonstrat.

Th. XX. De re humano commercio exemptâ in-
utilis est stipulatio, nec reviviscit, etiam si res ista post-
modum humani commercii esse coeperit §. 2. Inst. de in-
util. stipulat. nec qualitas, quâ nunc affecta est, ad tempus
interpositæ stipulationis, ut valeat, retrahere potest. Hæc
de conditione.

Th. XXI. Sequitur de Ratihabitione, quæ consen-
sui non absimilis est, & jure fictionis prorsus retrahitur,
ac confirmata ea, quæ ab initio facta sunt l. 7. C. ad Sc. Maced.
Maced. Omnes quippe contractus nostro nomine gesti
accedente ratihabitione retrahuntur ad tempus con-
ventionis, & confirmatur actus antea invalidus l. 2. C. si
maj. fact. al. fact. sin. decret. rat. hab. factique præteriti
ratihabitione fictione juris retrotracto consensu inducit
mandarum, quoad firmitatem actus gesti, & ratam ha-
bentis obligationem l. 56. ff. de judic. L. ult. pr. C. ad Sc.
Maced. C. Ratihabitionem 10. de R. J. in 6. Add. Bes. th. pr.
voc. Genesimhabung. Bronchorst. ad l. 60. de R. J. non ve-
rò quoad actionem; expressum enim mandatum actio-
nem mandati L. 8. §. 6. ff. mand. at ratihabitione negotio-
rum gestorum actionem producit l. 6. §. 10. ff. de negot.
gest. Don. l. 15. comment. c. 15. l. c. non obstante l. 60. ff. de
R. J. Videatur Bronchorst. ad d. l. 60. ubi regulam illic
positam limitandam ait in illis negotiis, in quibus man-
datum

datum vel consensus expressus ab initio negotii pro ejus formâ à lege requiritur. Ex quo fluit, quod tutor, qui ab initio suam autoritatem in negotio pupilli interponere debet, si postea (post longius scil. intervallum *Nobiliss. Dn. D. Struv. Exerc. 25. th. 15. & in discursu ad Wesenb. tit. de aut. tut. n. 3. & 5.*) id ratificet, nihil agat §. 2. *Inst. de aut. tut.* Item in contrahendis liberorum nuptiis ad eò consensus Parentum de Jure civili requiritur, ut ne quidem nuptiæ sine Parentum consensu contractæ subsistere *pr. Inst. de nupt. l. 2. ff. de R. Nupt. l. 2. l. 12. C. de nupt.* nec liberi ex hujusmodi matrimonio prognati pro legitimis haberi possint *l. 11. ff. de stat. hom. &* quidem ita necessarius est, ut liberorum nuptias præcedere, nec eas rati habitio confirmare possit; hæc enim ad initium nuptiarum non retrotrahitur, sed ab eo demum tempore, quo consensus accessit, nuptiæ censentur legitimæ *d. pr. Inst. de nupt.*

Th. XXII. Quod autem supra *th. 19.* de stipulatione condicionali dictum, idem quoque de emptione venditione condicionali intelligi potest, sic emptio venditio sub conditione facta, quia demum extante seu purificatâ conditione effectum sortitur, non tamen propterea demum tempore existentis conditionis, sed interpositi sub conditione consensus facta censetur, retrotractâ ad hoc tempus conditione; De fructibus & accessionibus idem obtinet, Ex quo enim tempore quis dominium rei habere creditur, ex eodem etiam fructus rei consequi videtur. *l. 1. & 2. C. de pign. act.* Nihil verò interest, utrum quis rem illam oneroso, an verò lucrativo, e. gr. donationis titulo habeat *l. 35. C. de don. int. vir. & ux. vide th. 12.*

C

Th.

Th. XXIII. Ut verò Retrotractio in Emptione venditione locum habet *ih. preced.* Ita etiam in pacto Emptioni adjecto, quale est in diem addictio, de quâ vide omnino *l. 2. ff. de in diem addit.* ex quâ apparet, quod si pactum huiusmodi fuerit adjectum, & intra præfinitum terminum nihil vel minus quis alius obtulerit, emptio termino isto elapso retrò ab initio initi ita contractus substituisse videatur. *Addatur Nobiliss. Dr. D. Siruv. Exerc. ff. edit. prior. 18. th. 32. & in disc. ad Wesenb. d. 1. de in diem addit.*

Th. XXIV. De periculo rei sub conditione vendita queritur, si quod pendente conditione contigerit, ad quemnam illud pertineat, an ad emptorem, an verò ad venditorem? Resp. Ob fictionē Retrotractionis ad Emptorem id pertinere videtur *arg. l. 8. pr. ff. de peric. & commod. rei vend.* ex eâ ratione, quod emptio venditio sub conditione inita censetur existente conditione perfecta ex tempore initi ita contractus. Atqui inito periculi & perfecte emptionis contractu periculum rei vendita statim ad emptorem pertinet *§. 3. Inst. de empt. vend. d. l. 8.* Sed Resp. Conditionem existentem purificare quidem actum, si tamen eâ pendente res vendita interierit, perimi emptionem venditionem, cuius conditio ob rei interitum existere nequit, adeoque nunquam extitura frustra expectatur, nec Retrotractio quicquâ operatur. *Adde Bachov. in not. ad Wesenb. tit. de peric. & commod. rei vend. n. 1. vers. in venditione conditionali &c.*

Th. XXV. Hæc de incundis contractibus dicta sint. Queritur verò, An Retrotractio etiam in distrahendis contractibus locum habeat? Si c. gr. ita iniretur Emptio, ut si certa conditio quædam extiterit, res sit inem-

pta.

pta. An pro inempta habeatur demum tempore existentis conditionis; An verò à tempore ita initi contractus? Resp. Affirmando posterius *ex l. 19. ff. de usurpat. & usucap.* Redit enim res in pristinum statum. Vide Everhardum *in loc. legal. à contr. ad displr. n. 10.*

Th. XXVI. Tertium Juris Objectum sunt Actio-^{3.} *Actio-* nes, per quas Justitia, quæ finis Jurisprudentiæ est, adm-^{nes.} nistratur personis super & de rebus *Bachov. ad. S. ult. Inst. de J. N. G. & C.* Hæ maximam Juris nostri partem constituant, & in iis quoque locum sibi adscribit Retrotractio: Sic e.g. Quod actio ex mutuo, si filiusfam. mutuum accepit, contra Patrem ex contractu filii detur, & Scti Macedoniani beneficium ipsi denegetur, si subsequente ejus consensu pecuniam mutuo acceperit *l. 7. §. 15. l. 16. ff. ad Sct. Macedon. l. ult. C. eod.* ratio est, quod consensus contractui mutui à filiofam. accepti superveniens ad contractus initium retrahatur, & contractus ab initio statim substituisse fingatur.

Th. XXVII. Idem Sctum ipsi filio, si paterfamilias factus debitum agnoverit seu ratum habuerit, denegatur *l. 9. pr. ff. ad Sctum Maced. l. 2. C. eod.* & ex eo statim die, quo mutuum acceptum, valuisse fingitur. Q. verò, An usuræ ex eo statim die, quo mutuum datum peti possint? Resp. Affirm. argumento eorum, quæ dicta in fin. *thes. 22.*

Th. XXVIII. Quia verò non tantum ex contractibus, sed etiam ex delictis obligamur *pr. Inst. de obl. qua ex delict. nasc. l. 4. l. 25. §. 1. ff. de O. & A.* Queritur, Anne etiam in delictis perinde ut in contractibus rati habitio locum habere, & ad principium delicti retrahi possit? Resp. Affirm. *ex l. 152. §. 2. l. 60. ff. de R. J.* Unde si alterius

de suo fundo dejectionem meo nomine ab alio factam ratam habeam, perindè interdicto unde vi ad restituendam possessionem obstringor, ac si à principio mandâssem *l. 1. §. 14. ff. de vi & vi arm.* modò meo nomine dejectio facta sit; Nam, quod alieno nomine gestum, ratum habere non possumus *C. Ratum de R. J. in 6. Addatur Bronchorst. ad alleg. l. 60. de R. J.*

Th. XXIX. Quod Actio furti contra eum, qui domino invito se quid contrectare putat, domino autem volente id facit, non detur, ratio est, quod furtum non committere censeatur *§. 8. Inst. de Obl. qua ex delict.* hujus enim factum ad voluntatem alterius retrahitur, & cum hac conjungitur.

Th. XXX. Appellationem quoque quidam interdum ad sententiam latam retrahi putant *ex l. 6. §. 1. ff. de his qui not. infam.* ubi de eo, qui furti vel aliis famosis actionibus condemnatus provocavit, dicitur, eum pendente judicio nondum inter famosos haberi, elapsis verò omnibus provocationis temporibus (quæ fatalia appellare solent) retrò infamem fieri. Verùm videtur ibi meo quidem judicio non tam ad sententiam latam retrahi appellatio, quàm infamia, quæ ante ob interpositam appellationem cessabat, sed jam propter elapsum provocandi terminum reviviscit.

Th. XXXI. Sententiam & Condemnationem aliquando sequitur Restitutio in integrum, hæc ex naturâ suâ retrahitur, hujusque obtentæ effectus est, quod omnia (habitâ distinctione quæ habetur in *thes. 35.*) in pristinum statum reponat. *L. 2. C. in quib. caus. rest. in integr. non est necess. l. 4. C. de his qua vi met. caus.* tantùm enim resti-

restitutio indefinita reddit, quantum sententia abstulit.
L. ult. §. ult. C. de sent. pass. & rest. Adde ib. 35.

Th. XXXII. Sæpè is, qui obligatus est, alterum sibi vicissim obligatum habet, hinc introducta est compensatio, quâ debitum & creditum inter se contribuuntur *l. 1. ff. de compensation.* Minuit hæc ipso jure motam actionem per fictionem retrotractionis, dum conventus obligatum habens alterum minoris condemnatur, & tempus sententiæ cum motæ actionis tempore conjungitur, conventus enim sententiâ in minus condemnatur, perindè ac si initio minus in actionem deductum fuisset.

Th. XXXIII. Elegans in Actionibus Retrotractionis exemplum, quo allata hæctenus exempla ob signabo, nobis suppeditat Lex Aquilia, ubi æstimatio damni injuriâ nobis in re seu patrimonio nostro hodiè dati retrahitur seu retrorsum computatur, ita ut res non ranti solùm æstimetur, quanti hodiè, sed quanti vel aliquo tempore anni retrorsum computati *pr. Inst. de Leg. Aquil.* vel aliquo dierum triginta proximè elapsarum plurimi fuit *§. 14. eod. l. 2. l. 21. l. 29. §. ult. ff. ad Leg. Aquil.* Habet enim hæc lex, ut nescio quis Dd. inquit, oculos retrò, & tempus præteritum respicit, proptereaque actio ex lege hac pœnalis audit. *Bachov. in not. ad Wesenbec. h. i. n. 5.*

Th. XXXIV. Progredior ad Retrotractionis effectum. *Effectum.* Est autè Effectus Retrotractionis, ut ex hujus superius traditâ definitione patet, quod tempus actus jam gesti transferat ad tempus antecedens, & terminum à quo cum termino ad quem conjungat, & huic ille virtualiter insit *Wehner. pr. obs. sub lit. I. voce Jetzt alsdann. l. 7.*

ff. de stat. hom. §. 4. Inst. de tutel. ubi posthumam nativitas retrotrahitur ad tempus, quo quid posthumo utile censetur, dum pro nato habetur, quoties de ejus utilitate agitur. *Adde omninò l. 7. ff. de manumiss. test. l. 12. ff. qui testam. fac. poss.*

Th. XXXV. Evidens Retrotractionis effectus etiam apparet ex restitutione banniti sive proscripti *ib. 31.* Hic enim restitutus tantum per restitutionem recuperat, quantum per latam sententiam amisit *l. ult. §. ult. C. de sent. pass. & restit.* modò indefinitè fuerit restitutus vel specialiter Princeps hoc expresserit *l. 2. & 4. C. eod. Giph. ad §. 1. Inst. quib. mod. patr. potest. solv.* Quæritur autem de fructibus, An etiam hi restitui debeant? Et circa horum restitutionem interpretes distinguunt, utrum ex gratiâ facta fuerit restitutio, utrum verò per modum justitiæ, puta quod condemnatus offerat probationem innocentiam, eamque postea probet; Posteriori hoc casu restitutionem etiam ad fructus sese extendere; Priori verò bonis contentum esse debere restitutum ajunt. *Gail. lib. 2. de pac. publ. c. 19. n. 28. & seqq. Treutl. vol. 2. Disp. 31. thes. 7. l. c. ibique Bachov. quos allegat Nobilissimus Dn. D. Ludov. Inchoa Academia Norica Professor Primarius, Patronus meus colendissimus in not. ad W. Wesenb. tit. de sent. pass. & restit.*

Th. XXXVI. Plures Retrotractionis effectus ex præmissis illius exemplis apparent: Ita in capto ab hostibus, si reversus ab his fuerit, fictione juris postliminii, tempus captivitatis ac reditus; Sin verò ibi mortuus, fictione Legis Corneliam momentum mortis & captivitatis ita conjunguntur, ac si vel nunquam captus *l. 16. ff. de captiv. & postl.* vel liber ac in civitate mortuus fuisset

l. 28.

l. 28. ff. de vulg. & pupill. subst. §. 5. Inst. quib. mod. jus patr. potest. solv. l. penult. ff. de suis & legit. hered. l. 11. l. 12. l. 18. & 22. ff. de captiv. Wes. b. r. n. 8. Quæritur autem, An is, qui ab hostibus captus, dominium, An verò possessionem saltem amittat? Resp. Affirm. posterius; Quamvis enim captivo integrum dominium conservetur & in suspenso sit, reversusque omnia jura recuperare dicatur, & quoad illa retrò semper in civitate fuisse fingatur §. 5. *Instit. quib. mod. jus patr. potest. solv. l. 16. ff. de captiv. & postl. l. 20. C. de postlim. revers.* tamen à reverso possessio de novo apprehendenda est *l. 23. §. 1. ff. de acquir. poss. ea enim quæ facti causam continent, & in corporali rei insistentiâ consistunt, ut est possessio l. 1. §. 3. & 4. ff. de acquir. possess. l. 1. §. 15. ff. si is qui test. lib. esse juss. retrò non recipit, cum possedisse videri nequeat, qui ipse ab alio possideretur d. l. 23. §. 1. ff. de acquir. vel amitt. possess.* Facta igitur, quia infecta fieri nequeunt *l. 12. §. 2. ff. de captiv. & postl.* & fictionem, ut jura, non admittunt *gloss. ad l. 19. ff. ex quib. caus. major. postliminio non continetur d. l. 19. l. 15. ff. de usurpat. & usucap. Perez. C. de postlim. revers. n. 6.* Ut verò ultra enumerata Retrotractionis exempla plura adhuc alia, quæ ob defectum dici ulterius venari nolui, dantur: Ita etiam plures Retrotractionis effectus quisque facili labore ex allatis exemplis persequi poterit.

Th. XXXVII. Et cum denique omnis actio pro-^{Finis.}
pter rationem finalem, quam animam dispositionis alij
cujus vocat Gail. *l. 1. obs. 10. n. 6.* instituat, tandem con-
siderandus venit Retrotractionis finis, qui est tam publi-
ca Reipublicæ incolumitas, quam eorum, qui in Re-
publ.

publ. vivunt, privata utilitas: Reipublicæ expedit alios
pœnarum gravitate à delictis deterreri, eoque sine ex pri-
mo & tercio L. Aquiliæ capitibus introductum, ut pœna
transcendat delictum *pr. & §. 14. Inst. de Leg. Aquil. 2h. 33.*
Reipublicæ expedit, ne rerum dominia sint in incerto
pr. Inst. de usucap. & propterea etiam fundus dotalis, qui
cœptâ usucapione dotalis non erat, usucapi potest. Item
dum fictione Juris postliminii redeunti captivo, & Le-
ge Corneliâ captivo apud hostes mortuo omnia jura
integra conservantur *thes. 4. & 5.* Cives Romani ad stre-
nuè pugnandum & vitandam fugam animati fuère *arg.*
l. 12. in pr. ff. qui vest. fac. poss. Privatim utile est Legitima-
tis eodem cum liberis legitimis jure (additâ tamen restri-
ctione, quæ in *th. 8.* habetur) gaudere.

Th. XXXVIII. Plures Retractionis utilitates
in acervum congerere, res non ingenii, sed laboris esset,
& pareret equidem latioremi mihi dissertationem hæc
materia, si pro angusto modo & tempore mihi præfi-
xi liceret; Sed subsisto, relicturus hîc mihi largum hæc
de materiâ specilegium; Nam si leviuscula hæc tibi, Le-
ctor Candide, non displicuisse intellexero, limatiora alio
fortè tempore proditura promitto; Interim verò si in
tortuosis hisce anfractibus erravi, tuæque expectationi
& votis non ex asse respondi, ignosce, memor quod in
nullo penitus errare non mortalitatis, sed divini-

tatis opus sit. *l. 2. C. de vet. jar.*
enucl.

Fasci-



Fasciculus Corollariorum.

1. Lex non scripta à consuetudine differt.
2. Romanis in ore proverbium fuit: Miser vir in cuius domo Gallina canit, quod sanè nequaquam inter *maxima* vel monstra Africæ recensendum.
3. Tutor emancipato filio à Patre datus & à Præside confirmatus non pro dativo, sed testamentario habendus est.
4. Bonæ fidei possessor omnes fructus tam naturales, quàm industriales percipiendo facit suos.
5. Prædium rusticum & urbanum inter se discernuntur non à loco, sed à qualitate.
6. Supervenientia liberorum cuivis sufficiens revocandæ donationis causa est *l. 8. C. de Rev. donat.*
7. Ad testamenti obsignationem non præcisè requiritur annulus.
8. Præter exheredationis causas in *Nov. 116. c. 3.* positas plures adhuc aliæ dantur.
9. Insolenter Imperator noster in *pr. Instit. de servil. cognat. & l. 33. pr. C. de inoff. testam.* liberum pro unico filio ponit, cum tamen ipse in *l. 148. & seq. ff. de V. S.* adserat, cum, cui vel unicus filius vel filia fuerit, sine liberis non esse, Cur igitur liberum pro unico filio ponit? Ut verò cognoscas causam (ait Philippus Caroli in suis ad Agell. animadv. *l. 2. c. 13. animadv. un.*) cur
1. liberos pluralitivè dixerint latini, 2. Cur à libertate hanc accipe conjecturam, simul & Etymologiam: Parentes Romani natos natasve suas, quàm primum à limine vitam salutassent, ad omnis prosperitatem & differentiam servorum appellabant liberos, abomi-

- nantes hoc modo malam scavam servitutis; numero autem plurium ideo, quod unam sobolem non putarent satis firmum praesidium ad propagandam posteritatem, Sive enim filius esset, sive filia, fieri posse, ut ille quidem turbato ordine naturæ, ut loquitur *l. 25. pr. ff. de inoff. testam.* extingueretur, hanc autem sciebant paterni nominis malam custodem esse *arg. §. 8. Inst. de legit. agn. tur. §. ult. Inst. de patr. potest.*
10. Mutuum est alienatio *l. 2. §. 2. ff. de Reb. cred.*
 11. Creditor non praestat in pignore culpam levissimam.
 12. Ex duobus reis promittendi alius purè alius conditionaliter obligari potest.
 13. Remedium ex *l. 2. G. de Rescind. vend.* etiam emptori competit.
 14. Negotiorum gestor etiam levissimam culpam praestare debet.
 15. In §. 28. *Inst. de Action.* omnes b. fidei actiones enumerantur.
 16. Malè Sutholt *diff. 18. aphor. 72.* actionem arbitrariam definit; Nam actione nemo absolvitur vel condemnatur, sed sententiâ, quæ actionem sequitur.

Ad Clarissimum Dn. JOHANNEM CHRISTOPHORUM FALCKNERUM, Amicum suum, pro summo GRADU in JURE disputantem!

Non sunt ingratae Mulae, sed larga rependunt
PRÆMIA, qui THEMIDOS Jura sacrata colunt.

Hocce tuo exemplo FALCKNERE ostendis, & isthac
Messe metis studiis PRÆMIA digna Tuis.

Gra-

Gratulor hanc messem, precor ut largissima fiat;
Non solum NOMEN, sed BONA cuncta ferens!

Benevolentiae testande & debite gratulationis causâ faciebat,

Christianus Chemnitius, SS. Theol. D.

P. P. Pastor & Superintendens.

Clarissimo atque Praeclenti V.

DN. JOH. CHRISTOPH. Falcknern/

Jur. Utriusque Doctorando dignissimo, Fautori & Amico honorando, *συνόμιον* per aliquot annos exoptatissimo

pro Licentiâ, supremos in Jure Utroque honores & insignia Doctoralia petendi publicè disputaturo,
FELICITER!

Ingenium fervens & Avunculus excitat Hector,
Ut nisi summa petas. Det DEUS ista, precor
Joh. Ernestus Gerhardus,
SS. Th. D. & P. P.

AD summos quod Diva Themis perducatur honores,
FALCKNERUS famæ captus amore probat.
Hic viget eloquio, & præclara flumine linguæ,
Hinc digna ingenio præmia jure refert.

Christoph. Philip. Richter D. Com. Pal. Caf.
Prof. P. Facult. Jurid. Ordinarius designatus, & h. t. Decanus.

Quantos præstiteris noster Falcknere profectus
In Jure, id novit nostra Salana satis.

Un-

Unde lubens quoque jam confert Tibi præmia digna:
Gratulor atque precor nomen ut usque cluas!

Ex sincero affectu adposui

Præses.

Cum diva Virtus nobiles
tetigerat annos, jungitur
labore, fausto fidere:
primoque partu nascitur
Honor. Themidos sacrae chori,
FALCNERE, cultor, nobile
indefessi laboris &
virtutis almae dum subis
strenuus iter, te censeo
Virtutis almae filium,
amplum laturum præmium,
Doctoreæ mitræ jubar.

Cum veto

multarum prosperitatum CL. DN. DOCTO-
RANDO, ad altiora faustis successibus
contendenti, pangebatur

Guernerus Rolfinck Phil. Med. D.

P. P.

Victorem laudant tua te FALCNERE trophæa
innuit & nomen, quod geris, ante tuum.


Clarissimo Dn. Do.orando, amico suo
candido pos.

Christianus Carolus Schalling/D.

Cur. Prov. Advoc.

F I N I S.





ULB Halle
005 132 584

3



V017







4

17. 17

1659, 17

19

Quod Deum bene vertat!
DISCURSUS LEGALIS
De

RETROTRACTIONE,

P 317.

Ogem.
DIVINA FAVENTE GRATIA,
Decreto & Autoritate

Magnifici, Nobilissimi, & Amplissimi JCtorum
Ordinis in Illustri Salanâ,

PRÆSIDE
Viro Nobilissimo, Amplissimo, Consulissimo atq; Excellentissimo
DN. ERNESTO FRIDERICO
SCHRÖTERO, JCto ac Professore Publico Celeber-
rimum, Confilario Saxonico, Curia Provincialis & Scabinatus
Adeffore Gravissimo,

Domino Præceptore, Promotore ac Patrono suo plurimum
observando,

Pro Summis in Utroque Jure Honoribus ac Privilegiis
Doctoralibus ritè ac legitimè obtinendis

Publicæ ventilationi submissis
JOHANNES CHRISTOPHORUS *Salschner*
Laufa-Noricus,

In Auditorio JCtorum
Horis ante- & pomeridianis
d. 1. Junii, Anno M DC LIX.

JENÆ
Typis JOHANNIS NISII.

34

